



Future-proofing our children

Sekolo sa Tshipi 3

Setlhogo

“Jeso o tlapisa dinao tsa barutwana”

Mokaedi wa batsadi
Sekolo sa Tshipi ithutelo lapeng



Go Motsadi

O amogelesegile mo “**Jeso o tlapisa dinao tsa barutwana**” Thuto ya sekolo sa tshipi. Mokwalo o o go fa thutuntsho e potlana gore o ka ruta jang thuto e

O ka ipaakanya le go ruta thuto e jang

Fa tlase ke maele a go ipaakanya le go ruta thuto e

Kgato	Tiriso
1.	Etela maranyane a New Apostolic Church Website ka go tobetsa seele se se latelang mo maranyaneng a gago a WhatsApp: https://bit.ly/3NACSSHS
2.	Kgobokanya di dirisiwa tse di latelang go netefatsa fa o ipaakanyeditse thuto e: • Baebele • Mokwalo wa thuto wa PDF o o setseng o baakantswe. • Pena, metako le lekwalo la ngwana, etc. • Setshwantsho sa motshikhinyego se se leng thuso e nngwe • Katakasima le Dipotso le dikgarabo (bogolo jang ban aba sekolo sa Tshipi) Ela tlhoko: 2.1: Nako e siametseng go ruta ke maphakela a sontaga morago ga tirelo ya tshipi, go tsamaelana le lenaneo la malatsi otlhe a sekolo sa tshipi, go tswaledisa lenaneo. 2.2: Ka tswe-tswe dira thuto e nne khutshwane , o etse tlhoko gore bana ba reeditse ka kelelelo – o itse ngwana wa gago botoka! <i>Tirelo ya sekolo sa tshipi ga e hete metsotso e 45</i> . 2.3: Thuto e lebaganye (Bana ba sekolo sa Tshipi). 2.4: O ka kopa thuso mo morutabana wa gago wa sekolo sa tshipi fa o tlhoka thuso.
3.	Rapela (Bona thapelo ko bofelelong jwa thuto e) O kope Modimo go go thusa go ruta ka tsela e a eletsang re ka e ruta ka teng.



4.	Dira seemo se se siameng, se se senang dikgoreletsi se wena le bana/ngwana le leng fa go tshwanang. Sekai: Nnang mo phateng.
5.	Bala thuto. E bale gape gore o e tlhologanye. Lebelela setshwantsho sa motshikinyego go re o tlhologanye botoka.
6.	Kwala dintlha tsa botlhokwa tse o batlang go di gakologelwa.

Go ruta thuto ya batlhomamisiwa mo lapeng

O ka ipaakanya le go ruta thuto e jang

Re tswela ka go abalana maele a go ipaakanya le go ruta thuto e:

Kgato	Tiriso
7.	Tlhologanya maikaelelo a thuto a e leng gore ngwana wa gago o tshwanetse go a gakologelwa.
8.	Ruta ngwana wa gago thuto jaaka polelo, o ka nna wa bala.
9.	Supegetsa ngwana wa gago setshwantso sa motshikinyego mme o soboke molaetsa.
10.	Laela ngwana go dira tekeletso e mo lokwalong la gagwe la ikatiso
11.	Rapela, kana kopa ngwana wa gago go rapela go tswala thuto.

Di dirisiwa tse di leng teng go ithutela ko lapeng

Tse ke dingwe tsa di dirisiwa tse di ka thusang mo thutong:

1. WhatsApp, buisanyang le ba lelapa le lengwe ka thuto ya SS .
2. Buisanyang ka thuto le batsadi ba bangwe go tsaya tlhaloso pele ga o ka ruta.
3. Gololesega go tlotlhomisa ka thuto e gore o nne le kitso e e oketsegileng.



Thuto

Setlhogo	Jeso o tlhapisa dinao tsa barutwana
Temana	Johane 13 v 1-17
Maikaelelo a thuto	Tsatsi jeno re tla ithuta gore Jeso o ne a le boikokobetso go le kahe, le gore o ne a tlhokomela barutwana. Re ka ithuta go le gontsi mo go Jeso.

Tshoboko ya thuto:

Jeso le barutwana ba gagwe ba ne ba ipaakanyetsa mokete wa paseka. Fa ba ntse ba ja dijo tsa maphakela Jeso o ne a akanya thata. O ne a itse gore Modimo o mo taolong ya sengwe le sengwe.

Morago ga go ja a ema ka dinao, a tsaya metsi, a simolola go tlhapisisa dinao tsa barutwana. Petere a mo raya a re, “Morena, A o ya go nthapisa dinao?” Jeso a re, “Ga o lemoge se ke se dirang gampieno, mme morago o tla tlhaloganya.”

“Nnyaa,” ga bua Petere, “ga o kitla o ntlhapisisa dinao.” Jeso a mo araba a re, **“Fa ke ka seke ke go tlhapisisa gampieno, ga o na karolo mo go nna.” “fa go ntse jalo, e seng fela dinao tsa me, le mabogo le tlhogo!” ga hetola Petere.**

Fa a fetsa go ba tlhapisisa dinao, a bowa a nna fa fatshe. “A le tlhaloganya se ke le se diretseng?” A ba botsa.

“Le mpitsa ‘Moruti’ le ‘Morena,’ mme go tshwanetse gore le mpitse jalo ka ke se ke leng sone. Jaanong ka gore nna, Morena le moruti wa lona, ke le tlhapisitse dinao, mme lelona tlhapisanang dinao.

Ke le beetse sekai gore le lona le dire jaaka ke le diretse. **Ga gona mothanka yo mogolo go mong wa gagwe, kana morongwa yo mogolo go gaisa yo mo romileng.**

Jaanong ka gore le itse dilo tse, go molemo le ka di dira





Thuto e e raya eng mo go rona tsatsi jeno?

Thuto e leka go re ruta eng?

- Ke batlhanka fela baba neng ba tlhapisa dinao tsa beng ba bone, mme Jeso e le Morwa Modimo e ne e le moeteledipele wa barutwa ba gagwe! Moeteledipele ga a tlhapise dinao tsa ga ope. Mme Jeso o dirile se go re ruta sengwe.
- Re tshwanetse go nna re thusa ba bangwe. Mongwe le mongwe e nne motlhanka mme a direle ba bangwe.
- Jeso ke ene motho yo o makatsang bogolo mo bathing baba kileng ba tshela mme o ne a sa itseele ko godimo mo a ka palelwang ke go tlhapisa dinao tsa barutwana. Ga re nke re tlhapisa ba bangwe dinao, mme ke eng se re ka se dirang go thusa ba bangwe?
- Jeso ke sekai sa rona. Re ka ithuta go le gontsi mo go ene:
- Re tshwanetse go ratana, Re direle ba bangwe, re thuse ba bangwe gape re nne boikobo.

Dipotso tse dingwe tse re ka di botsang:

- O akanya gore barutwana ba ne ba akanya eng fa Jeso a ba tlhapisa dinao?
A: Ba ne ba tlhabiwa ke ditlhong e bile ba tsietsega. Re ka dirisa sekai se mme morutabana a tlhapise bana dinao go bona gore batla a tseega jang.
- Le fa re sa tlhapisane maoto re ka dira eng go direla ba bangwe?
A: Re ka rapelela ba bangwe. Re ka tlotla batsadi ba rona. Re ka thus aba ba tlhokang ka go ba fa dijo le diaparo.
- Re ka ikoba jang?
A: Re ka rapela Modimo go re thusa go nna boikobo. Re ka ithuta mo go Jeso. Re ka lemoga gore re ban aba Modimo mme re tshwanetse go thusa batho ba gagwe. Se se re dira boikobo fa re lemoga gore Modimo o re tlhophile go thusa.



Thapelo ya ga Rre le Mme go rapela pele ga thuto:

Modimo o rategang, re lebogela letsatsi le.

Re segofatse rotlhe.

A re utlwe go nna teng gag ago

Segofatsa thuto e re tla nnang le yone

Re gakolole gore mo diemong tsholhe re ka go rapela.

Re thuse go nna re leboga le tsholofetso ya gore kagiso ya gago e tla aga mo go rona.

Romela Jeso ngo tla go re tsaya

Re bo re ipaakanyeditse go mo kgatantsha

Mo leineng la Jeso

Amen

 Notes